

天津府縣志輯

三才圖會全志集成

民國天津縣新志

中國地方志集成

天津府縣志輯③

民國天津縣新志

上海書店 ● 巴蜀書社 ● 江蘇古籍出版社

天津政俗沿革記序

天津地處偏僻昔非衝要自與海外列國通商以後於此爲往來出入之門戶輪楫交馳冠裳駢集遂蔚然賦一巨埠而時局之推遷代謝亦因以千奇百變每出尋常想象之外方諸往蹟迥不相同故一切政治風俗勢皆不得不改絃更張以隨機而應務矣若夫數十年來國家維新之大計擘畫經營尤多發軔於是邦然後漸及於各省是區區雖爲一隅而天下興廢之關鍵繫焉其間設施移易之沿革烏可不有記述以資傳信耶斯編初由王君仁安之門人趙生甫芾起草生甫固以工

序

古文辭名於時者君益宗尙陳壽歐陽修之法卽其藁削繁就簡改竄幾十之八九原本塗乙紛紜讀之如涉荒徑則荆榛在望舉步越趨予嘗慙憑錄副久而未果癸酉君年七十似已未可再緩適因避亂小住於予之心遠樓晨夕傾談復商及茲事旋遂乘興亟召鈔胥就君家寫定蓋凡旁行斜上踈駁莫辨者非由君自行口講指畫未易移錄也每卒一卷予卽取以勘校自夏徂秋三閱月而畢君并原稿悉以付予竊惟此著采掇旣廣蒐羅甄抉從事綦難補闕證疑或須有待藏之篋衍忽又累年君至病危猶以此書未獲觀成系念良殷君

繼室黃夫人於君故後乃思有以償其志而完其功慨然願節縮衣食爲制刷之費惓惓以相誣諉予未可負其雅意況亦深慮孤本僅存恐致沈緘弗顯也爰力任之卽以曩所寫本稍事釐訂上板開雕次第工竟堪慰九原因誌梗概以諗方來且以彰黃夫人之克全厥美亦足與葵園副室宋大家後先輝映將並稱於藝林者矣戊寅仲春天津金鉞

序

自述

此余修志時初稿所載事實至宣統三年止閱時既久
偶從敝篋中檢出私錄存之顏曰天津政俗沿革記以
別於志稿七十拙老人王守恂述

自述

天津政俗沿革記目錄

天津王守恂仁安撰

卷一

輿地 幅員 沿革 城垣 坊巷 鄉鎮 署廨
道路 電車 附

卷二

河渠 水道 橋梁

卷三

水利 營田 堤壩

卷四

郵驛 驛遞 郵務 電報 附 電話 輪船 鐵路

卷五

戶籍 人口 選舉

目錄

卷六

田賦 地丁 雜稅 雜捐 蠲免 倉廩 漕運

卷七

貨殖 百貨 商棧 權稅 商會 錢幣 製造
附

卷八

鹽業 場窰 鹽陀 引岸 巡緝 蘆網 公所 附
灘 鹽 公所

卷九

工藝 工藝總局 高等工業學堂 勸工陳列所
實習工場 教育品製造所 北洋鐵工
廠 賽會 電燈自來水 附 種植園

卷十

文化 儒學 書院 學校

卷十一

禮俗 祠祀 婚喪 歲時

卷十二

善舉 救火會 育嬰堂 延生社 保赤堂 廣仁堂 備濟社 濟生社 廣濟補遺社 引善社 同善社 體仁廣生社 紅十字分會 附地方自治

卷十三

認讞 受詞 審轉 審判廳 檢察廳 監獄 司法警察

卷十四

防禦 緜營 團勇 洋槍隊 練軍 常備軍 混成協 巡防營 水師 海軍 警察 軍械製造局

目錄

二

卷十五

兵事

卷十六

外事

天津縣新志卷首

巡幸

天津近接神京有運河以達東南明靖難南下之師取道於此以是舊有成祖臨幸之說然其時燕以藩服之親稱戈向闕不得與天子省方問俗比也迨既踐大位車駕往還南北史不一書而由陸由舟於今無考惟宣德征樂安渡自直沽事載舊志正德討宸濠之變其旋蹕也史稱次於通州志亦有武宗南巡適當孔道之語則津沽為其蹕路所經可以無疑惜乎其詳不可得聞也易代以來海澱小民得遂瞻雲就日之懷於康熙朝天津縣新志 卷首 一

五乾隆朝十嘉慶朝一而鑾輅所莅輒蠲積逋減正賦耆老有遺士子蒙麻鄉之人自其高會以上殆莫不躬際昌時得與忭舞歡呼之列由今思昔此亦不可再觀之盛事也可弗紀與

明宣德元年八月宣宗親征樂安州車駕渡直沽賜湧泉寺金旛三

正德十五年十月武宗討宸濠之變還自南京舟行遂莅天津

清康熙八年十一月 聖祖巡幸天津駐蹕稍直口旋入西門出北門諸生跪迎溫語諭之並問民間疾苦行

殿召試僉事天津道毛壽登明日渡河觀打魚

康熙二十四年二月 聖祖幸天津因幸乾清宮總督

五廠王之俊宅賜卧松雲扁額

康熙三十三年五月 聖祖幸天津東行觀海詔發天

津衛所貯米穀振糶仍幸王之俊宅賜之詩

康熙三十七年五月 聖祖幸天津命總兵官潘育龍

閱兵演武場多所賜賚

康熙四十四年二月 聖祖幸天津自楊青驛御舟南

巡道旁士民咸賜克食

乾隆十三年二月 高宗奉 皇太后東巡三月回蹕

天津縣新志

卷首

二

臨幸天津恩恤長蘆鹽商詔免次年錢糧十分之三賞

賚軍民年七十八十以上者

乾隆二十七年正月 高宗奉 皇太后南巡臨幸天

津詔免本年錢糧十分之三緩徵借欠穀石廣入學額

五名賞賚軍民年七十八十以上者

乾隆三十二年三月 高宗巡幸天津周覽淀河隄閘

駕莅新城閱水師營滿洲兵以其弓馬及國語生疏悉

裁汰之命議都統各官罪莅海光寺閱綠營兵恩恤長

蘆鹽商賞賚珍物詔免本年錢糧十分之三豁免積欠

銀穀

乾隆三十五年三月 高宗以淀神祠告成迺奉 皇

太后安輿親詣瞻禮駐蹕天津閱駐防兵經略大學士

傅恆征緬凱旋至自雲南朝於行在召見之賞給長蘆

鹽商貂皮緞匹詔免本年錢糧十分之三蠲免積逋廣

入學額五名賞賚軍民年七十八十以上者減軍流以

下罪

乾隆三十六年二月 高宗奉 皇太后東巡臨幸天

津相度芥園運河形勢停止總督楊廷璋請建減水壩

之議恩恤長蘆鹽商賞賚珍物詔免本年錢糧十分之

三蠲免積逋賞賚軍民年七十八十以上者

天津縣新志

卷首

三

乾隆三十八年三月 高宗閱視河工奉 皇太后駐

蹕天津閱駐防兵召試迎鑾士子賜顧莛等四人舉人

杜兆基內閣中書張虎拜等十四人緞匹諭緩徵長蘆

鹽商帶徵銀兩詔免本年錢糧十分之三蠲免積逋賞

賚軍民年七十八十以上者減軍流以下罪

乾隆四十一年二月 高宗以平定兩金川告成闕里

奉 皇太后東巡三月朔臨莅天津四月回蹕復莅天

津召試迎鑾士子賜邱桂山等五人內閣中書萬年等

三人舉人周光裕等二十人緞匹恩恤長蘆鹽商賜九

老會詩及珍物詔免本年錢糧十分之三蠲免積欠地

糧倉穀廣入學額五名賞賚軍民年七十八十以上者減軍流以下罪

乾隆五十三年二月 高宗巡幸天津御舟至三岔河口登岸拈香望海寺崇禱觀策馬進北門出東門翼日進東門出南門拈香海光寺御閱武樓閱兵將軍福康安檻送臺灣逆首林爽文何有志等至行在上親訊於宮門外遂磔何有志梟其首是日百姓聚觀 上不之禁召試迎鑾士子賜陳煜內閣中書王蘇等三人舉人劉梧等四人緞匹賜宴長蘆鹽商賞賚珍物有差詔免本年錢糧十分之三豁免積逋廣入學額五名

天津縣新志 卷首

四

乾隆五十五年四月 高宗東巡回鑾臨蒞天津策馬詣海神廟行禮安南國貢使黎伯璫吳爲貴適至天津道旁瞻觀溫旨慰問親臨賜宴以策馬府城諸詩命伯璫和韻賜長蘆鹽商宴賞貂皮緞匹荷包有差詔免本年錢糧十分之三廣入學額五名

乾隆五十九年三月 高宗巡幸天津進北門出東門入行宮翼日進東門出北門拈香河北藥王廟當駕至鼓樓百姓歡迎擁塞至輦不能行 上喜甚召試迎鑾士子賞姚文田內閣中書賜長蘆鹽商福字墨刻及貂皮各珍物緩徵積欠鹽課詔免本年錢糧十分之三豁免積逋及楊柳青夾河地方本年額賦

嘉慶十三年三月 仁宗閱視千里長隄遂幸天津駐蹕行宮閱綠營兵召試迎鑾士子賜龍汝言等六人舉人張廷選等十四人緞匹賜長蘆鹽商宴緩徵積欠鹽課詔免本年錢糧十分之三豁免積逋廣入學額五名恩賞老民老婦減軍流以下罪

天津縣新志 卷首

五

天津縣新志卷首終

天津政俗沿革記卷一

輿地 幅員 因革 城垣 坊巷 鄉鎮 署廨

天津界燕齊之交負滄海跨九河東至甯河西訖靜海

北接武清南又抵靜海立縣伊始民居寥廓逮縣既建

為水陸所湊民蕃物廩在畿輔之內蓋壯哉一緊縣也

縣境當周秦漢唐宋金之世盤於海上號名隨世更易

縱追所託始觀其離合然可述者稀矣自元事海運設

海津鎮逮明永樂二年設天津衛爰啟衛城清雍正三

年始置天津州割三縣以隸之九年復易為天津府增

郭之縣至是廩里開廓乃雄於朔方焉衛城之建明工

卷一

部尚書黃福平江伯陳瑄都指揮陳達實典其事區宇

之制城凡九里十三步高三丈五尺廣二丈五尺海上

幽遐獨邃之區經城洳營郭郭周以百雉展其規制抑

可謂豐約得中者已斯後清代屢有修築之舉同治間

李鴻章督直隸行署駐天津奏請於大沽海口後路三

十里建設新城而縣治仍舊光緒庚子之難將天津縣

城隍牆垣塹拓述開衢於是微道外周環涂驟廣平達

四達俾行人無障塞之隔雖曰應時變通乎然亦供人

懷舊之想也方縣之初立坊表衢巷亦翼翼將將泊後

物阜人繁居者窒隙塞巷既乃轉相踰延近則靡地不

營夷險芟荒咸表以新市精心構造爽塏宏壯日爭新

異與沿海巨埠相頡頏矣津之鄉鎮東自頭甲至西隄

為村凡八十六南自倪家台至蘆北口為村凡一百西

自碾陀嘴至炒米店為村凡五十二北自鈔關至上浦

口為村凡七十七乾隆元年撥歸楊青驛巡檢村莊凡

四十三西沽巡檢村莊凡九十七葛沽巡檢村莊凡五

十五其經年閱歲與時殊異有可考者未容或沒也古

者匠人營國必以內外九室別公卿次舍之區衙署之

建伊昔為重矣天津設一道一府一縣其次舍因官秩

為隆殺天津總兵亦作鎮是疆而長蘆巡鹽使院及鈔

卷一

關公署亦設於天津則財富委積恆足為國輕重同光

閒直隸總督兼北洋大臣復移駐於此行署之設規模

大啟風衍遐圻四方繫觀聽焉新政設提學司巡警道

勸業道其視事之所雖財力所限未足肆其雄觀然建

造敷設視常制不侔矣他若丞尉之署改易晦塞有可

知者紀之存其舊也其他公廨擇要載焉至如道路第

而不治為昔人所譏天津城市途路曲躑常苦踣蹶低

昂通商後雖窮匱極遠之人亦霜來露往而方轅接軫

出於其途者輻輳不絕也近年當路病街衢污下乃時

治之近益多坦塗車馬衝要之區大都繩直砥平矣自

光緒庚子之役城隍夷塞卽其址經營電車軌道雲翔電發環城過市頃刻而至然野老遺民憑弔舊城故址環城軌道卽其許焉爰自幅員以下咸綜合而條貫之著以紀錄備考覽

幅員

天津縣附郭東至順天府甯河縣界四十里至縣治一百三十五里西至靜海縣界三十六里南至靜海縣界五十里至滄州界一百二十五里北至順天府武清縣界三十五里至縣治一百里東南至海一百三十里至滄州界一百四十里西南至靜海縣界三十里至縣治

卷一 三

七十里東北至順天府寶坻縣界五十里至縣治一百五十里至武清縣界五十里西北至武清縣界四十五里至縣治一百二十里此據光緒畿輔通志也舊志載畿輔通志東一百里至海西三十五里至靜海縣界南三十五里至靜海縣界北三十五里至順天府武清縣界東南一百一十里至海西南二十五里至靜海縣界東北七十五里至順天府寶坻縣界西北五十里至順天府武清縣界東西廣九十里南北長七十五里按縣冊云邑在京師東南二百四十里東西距九十里南北距七十三里東至海一百一十里西至順天府霸州界

九十里南至滄州界六十里北至順天府武清縣界三十八里東南至海一百一十里西南至河閒府治一百一十里東北至順天府寶坻縣界五十里西北至武清縣治三十里又云東至寶坻縣界六十里西至靜海縣界三十里南至靜海縣三十八里北至武清縣界三十八里東南至海一百一十里西南至靜海治四十九里東北至寶坻縣五十里西北至武清縣治三十里與畿輔通志所載互有異同因并錄之以備攷績志載義倉圍天津郡城東至甯河縣界四十里至縣治一百四十五里西至靜海縣界三十五里至縣治七十五里南至靜

卷一 四

海縣界四十二里至縣治七十五里北至武清縣界四十五里至縣治一百二十里東南至海一百二十里西南至靜海縣界四十里至縣治七十五里東北至武清縣界五十里至縣治一百三十里西北至武清縣界四十五里至縣治一百二十里按天津地有與寶坻滄州交界者通志舊志並云東北至寶坻查天津東北鄉郭家莊爲天津甯河寶坻三縣界寶坻志亦云正南至隄頭村界天津舊志云南至滄州按海上地名小井其南五里有水溝四水溝以南係滄州管轄水溝以北係天津管轄天津疆域惟義倉圖言之最精然不言界寶坻

滄州猶爲闕略今按舊志續志所載與光緒畿輔通志不同惟舊志據舊通志及縣冊云兩存備考續志據義倉圖云猶爲闕略是舊志續志於天津縣幅員迄無定論也參考兩志舊志界至無甯河續志界至無滄州寶坻茲以光緒畿輔通志近而有徵取以冠諸篇之首也

因革

天津縣揆之禹貢蓋在冀兗二州之域而周爲幽兗二州地春秋爲燕地秦爲上谷郡境漢爲幽州漁陽郡泉州縣又爲勃海郡及郡之章武參戶二縣地後漢爲幽州漁陽郡泉州縣又爲冀州勃海郡及郡之章武縣地

卷一

五

晉爲幽州燕國泉州縣又爲冀州章武國章武縣及勃海郡地北魏爲幽州漁陽郡之雍奴縣又滄州及州之浮陽郡章武縣地隋爲冀州涿郡雍奴縣河間郡魯城縣長蘆縣及兗州勃海郡地唐爲河北道幽州范陽郡武清縣及滄州景城郡乾符縣長蘆縣宋爲燕山路燕山府武清縣又爲河北路滄州清池縣及清州地金爲中都路大興府武清縣河北東路滄州清池縣及靜海縣地然曩無名蹟可稽特舊志探討他籍爲考古之資而已元延祐三年設海津鎮於直沽其地遂爲海津鎮及大都路滄州武清縣滄州及清州靜海縣地明永樂

二年設天津衛天津左衛天津右衛於小直沽其地遂爲天津衛及順天府武清縣河間府滄州靜海縣地清初因明之舊逮雍正三年三月改天津衛爲天津州設知州屬河間府天津衛原轄百四十三屯就近以毘連武清靜海滄州之地併入之是年九月改天津州爲直隸州管轄武清青縣靜海三縣九年吏部議覆署直隸總督唐執玉奏天津直隸州係水陸通衢五方雜處事務繁多請升州爲府設知府附郭置天津縣設知縣是縣與天津州原轄之青縣靜海二縣及滄州南皮鹽山慶雲一州三縣統歸府轄部議從之而天津自是遂爲

卷一

六

近畿一壯縣矣

城垣一縣城

天津城係明永樂二年工部尙書黃福平江伯陳瑄都指揮陳達築弘治間副使劉福發以磚石周圍九里高三丈五尺廣二丈五尺門四萬曆十四年副使王來貴重修清順治十年總兵甘應祥副使梁應元重修康熙十三年總兵趙良棟因門樓藏火藥令逼近城垣民居拆毀改築離城三丈復濬城濠之填塞者於城東南隅築石閘一座引海河潮水周城濠四面由南城水門入城雍正三年城濠皆壞鹽院恭鶴立題請商人安尙義

安岐父子情願捐修朝議允令同城官實心幫助就舊基築城濬濠周圍一千六百二十六丈六尺垣高一丈九尺八寸堞高四尺二寸共高二丈四尺基廣三丈二尺上廣一丈九尺共計堞一千四百五十有四東西長五百零四丈計二里八分南北長三百二十四丈計一里八分五釐周圍九里二分東去海河二百二十步北抵衛河三百步舊城四門有樓舊額曰鎮東曰定南曰安西曰拱北康熙十三年改曰東運滄海南達江淮西引太行北拱神京四角俱有樓其東南角樓卽魁星樓也雍正三年修城易四門題署東曰鎮海南曰歸極北

卷一

七

曰帶河至西門鹽院莽鵠立題請奉旨賜名衛安門乾隆十一年十七年二十四年均經直隸總督飭蘆商捐修二十九年直隸總督發查茂德罰款三十一年直隸總督飭發天津縣辦差餘銀三十九年四十九年五十五年直隸總督飭發公帑歷次修理嘉慶六年河水漲發浸漫城根城東西北三面坍塌數丈至十餘丈至數十丈不等西南西北兩角樓亦傾圮裂直隸總督奏請補修重築及光緒庚子之難聯軍據城而城遂廢矣

城垣二 濠牆

咸豐十年統兵大臣親王僧格林沁築濠牆距城里

餘至五六里不等營門凡十一東沈家莊東北錦衣衛橋窰窪北玉皇廟西北佟家樓教軍場西善慶巷三官廟南海光寺東南梁園行宮圍長共三十六里濠如之同治七年春捻匪北竄畿南各州縣多遭蹂躪上命通商大臣兵部侍郎崇厚督辦津郡海防軍務以津郡無險可阨賊勢飄忽必先限其奔突以頓之於是修濠濬濠親臨督催剋期完竣於各堞口排列抬鎗礮車凡守禦之具無不精備迨四月初賊大股長驅回竄勢將直撲郡城時兵力單援軍未集幸有濠牆足資固守賊偵知防禦嚴不敢近逼麇集於南鄉之八里臺一帶疊次

卷一

八

衝撲迄不能犯郡城賴以安堵眾始知濠牆足恃而服崇之先見焉賊退後崇請帑加高倍厚濠亦濬而深之從此郡城固於金湯矣光緒七年七月直隸總督李鴻章飭鹽運使如山等重修各門均如山題署共十四門正東曰寅賓正東之北曰鎮遠正東之南曰朝宗東南曰凝暉正南曰來薰正南之東曰厚德俗曰小南門正西曰西成正西之南曰三慶俗曰小西門西北曰順軌曰保衛正北曰拱辰正北之西曰綏豐俗曰小北門正北之東曰翊運俗曰隄上門東北曰建魁

城垣三 新城

天津城外地勢散漫無險可守李鴻章督直隸心憂之乃奏請於大沽海口後路三十里因其形勢阨要建設新城該城距天津城八十里周圍計長九百八十四丈輒高一丈九尺海漫高二尺五寸上加築三合土疊牆高五尺五寸共高二丈七尺城脚寬七丈五尺頂寬五丈五尺疊牆寬二丈二尺城門內有臺四座亦仿礮台之式每座脚寬十三丈址寬十二丈六尺頂寬十一丈六尺門台址進身長十四丈九尺門台頂進身長十三丈九尺輒砌高一丈九尺上加三合土一丈二尺共高三丈一尺輒券用曲式門台頂中做大礮棚一座寬六丈四尺進身五丈四尺高一丈五尺中空五丈高九尺進身四丈四圍亦用排柱上用托廩中用大擎柱上覆三合土礮棚前面做明礮台兩處三面疊牆中做藥庫三處四門門台皆同內城四拐角礮台四座每座隔堆三箇中貯藥庫三所安礮兩門每台兵房三間下做大藥庫一所四角做法亦同內城牆周圍小礮台七十一座每座安小藥庫二城內大礮台三座每座周圍下基六十四丈八尺上頂周圍四十八丈二尺高五丈二尺台之四周係券洞空心外有大券暗馬道從內盤旋而上每台橫券十道每券藥庫一直券九四面皆通可住

礮兵台砌輒高一丈六尺上加三合土一丈八尺安有大礮門九處上有明礮台九每門有小藥庫二礮門相間有大隔堆四中可走通藏人台頂心有大礮棚一座棚基周圍十六丈二尺築三合土高一丈七尺棚內用大木擎柱並排廩排柱上蓋用三合土周圍又有女牆十一丈四尺高三丈厚三尺上有天橋一道三座台式皆同高厚尺寸均同護城門台址寬十丈進身二丈四尺頂寬九丈四尺進身二丈一尺輒券門洞幫築三合土高二丈一尺上面明礮台兩處外門台灰土月城三面合長二十四丈牆寬三丈八尺礮眼二門券一四處

後新城殘燬詳誌之俾他年修復知防海守口此爲陸地之要害也

坊巷

縣城內外曰街曰胡同街卽坊胡同卽巷也城中建鼓樓四面開衢卽今所謂北門大街東門大街南門大街西門大街北門內有橫街一曰戶部街卽原裁戶部餉司之舊址也街西有所謂宜門口者相傳卽戶部餉司衙署之宜門也鼓樓西有神機庫者明衛所時造也北門外迤東環城開衢隨河彎曲至東門南隅曰估衣街曰鍋店街曰單街曰宮北曰宮南所謂宮者天后宮也

卷一

二

曰東新街曰開口北門外迤西環城開衢隨河彎曲曰竹竿巷曰針市街曰太平街曰雙街口均市店叢集之區也北門外直至衛河渡河向北曰河北大街北門外東北角三岔河迤西渡河向北曰大胡同者從前一巷耳今闢爲直街店肆之繁亞於估衣街鍋店街有駕而上之者向北再渡河光緒間袁世凱督直時闢爲大經路直抵京奉路所謂新車站又橫闢緯路以天地元黃宇宙日月等字別之此間經路緯路皆從前荒墟棄壤也西門外街市久已荒廢店肆亦皆微小今稍繁盛然視東北兩門不若也其南門外一望荒涼向多積水自

庚子後外人租借地逼至東南城角及海河東岸歌樓酒肆叢錯其間有工心計者在日本租界毘連地闢三街曰南市大街曰廣益大街曰榮業大街自東南城角至南門外直街繁華美飾與租界地相上下此與河北經緯路皆人迹罕到之處今則肩摩轂擊也昔時天津店肆建築樸實視京師之金碧輝煌嗟乎後也今則爭新門巧盡皆新式風俗固日漓矣然肩挑背負之人及挾技謀食之輩藉以資生者不可勝記揆諸損益之理補救之方未可過爲高論也自縣城廢後闢爲東西南北四馬路東北兩馬路曰卽繁盛東馬路北接金華橋南至日租界與大胡同相埒矣其胡同之繁瑣錯雜及街市之冷僻者無沿革之可言姑從略焉

卷一

三

鄉鎮上

城廂狹隘歷年開闢有舊時村莊今與城市相聯者相沿日久直以爲街市之名如錦衣衛橋海光寺三官廟永豐屯金家窰望海寺馬家口蘆家莊等皆是也窰窪在光緒初年猶是荒瘠之區今則闢經衢開緯路高樓傑閣林木森然今直督行署一帶是也天津村鎮最著者如西沽丁字沽軍糧城大直沽馬廠鹹水沽泥沽葛沽大沽隄頭土城宜興埠皆居戶稠密均與荒僻不同

楊柳青地方繁富幾與從前城治相埒比之近時城治則尙遠也然亦縣治中之大鎮也其地業田者多近代作新疆商業別闢生殖之地科舉未廢時楊柳青在文昌閣設崇文書院成就人材其文藝見稱於時尤爲鄉鎮中所罕見者至東南鄉所謂新農鎮者天津鎮總兵周盛傳於其地開支河建橋開畝澮交錯樹木成陰則同光以來之新開闢也地無廣狹有人則興鄉鎮繁庶日月新異此特舉其端也至於縣治中各鄉鎮舊志所載者分東西南北四路及由縣治撥歸三巡檢廳者用考舊迹詳之於下篇若夫西鄉之稍直口一名得勝口

卷一

三

鄉鎮下

爲天津縣謝子澄大挫粵匪之地北鄉之北倉爲直入北京孔道光緒庚子馬玉崑於其地與聯軍鏖戰雖一勝一敗然皆於歷史有可傳者

東路自頭甲至西隄止八十六村莊曰頭甲曰二甲曰三甲曰四甲曰錦衣衛橋曰鄧家橋曰趙北李莊曰徐家莊曰趙家園曰于家莊曰滌廠曰于王二莊曰隄頭新莊曰窰窪曰季家樓曰李公樓曰唐家口曰田家莊曰大直沽曰郭家莊曰王瓦刀莊曰小王家莊曰大王家莊曰沈家莊曰孫家莊曰歡陀曰劉快莊曰范家莊

卷一

古

曰李明莊曰于家莊曰大畢莊曰黃草陀曰程林莊曰小王家莊曰朱家莊曰張貴莊曰宜興埠曰小孫家莊曰大孫家莊曰貫兒莊曰泥窩曰唐家莊曰劉家莊曰邢家沽道下小汀曰城兒上曰高家莊曰張滿莊曰上小汀曰小新莊曰卧河曰小趙入莊曰軍糧城曰黃家樓曰大趙八莊曰窰兒上曰苑家莊曰桃園沽曰小楊家莊曰秦狗莊曰翟家莊曰顧家莊曰下劉家莊曰王家莊曰汪家莊曰鄭家莊曰郭家莊曰小李家莊曰崔家碼頭曰唐家莊曰潘家莊曰小潘家莊曰柴家莊曰南鄭家莊曰鑲黃旗馬廠曰楊家莊曰小鄭家莊曰賈家沽道曰張達莊曰樓家莊曰大孫家莊曰小孫家莊曰田家嘴曰田里沽曰隄頭

南路自倪家台至蘆北口一百村莊曰倪家台曰康家花園曰下園曰上園曰靳家園曰砲台曰前小兒莊曰後小兒莊曰王姑娘莊曰李七家莊曰八里台曰海光寺曰童家樓曰郭家村曰陳家村曰高家莊曰龐家莊曰大黎園頭曰小黎園頭曰門家道口曰紀家莊曰林家莊曰王監莊曰馬家口曰楊家莊曰凌家口曰尖山曰宋家莊曰賀家口曰土城村曰杜家莊曰黑牛城曰何家圈曰大寺莊曰王家村曰王家莊曰大任家莊曰

官莊曰朱家莊曰盧家莊曰黃家莊曰吳家嘴曰陳唐莊曰李家樓曰前辛莊曰白塘口曰何家莊曰張家莊曰賈家莊曰凌家莊曰倪家莊曰北八里口曰北馬集曰後辛莊曰灰堆曰雙港曰南八里口曰大韓莊曰八里台曰郭家莊曰北楊碼頭曰于家莊曰南馬集曰南楊馬頭曰曾家莊曰郝家沽曰周家莊曰李家莊曰大孫家莊曰三合店曰草頭沽曰營房曰盤沽曰鹹水沽曰巨葛莊曰劉家莊曰楊家岑曰高家莊曰尼沽東莊曰葛沽曰楊回莊曰東劉家莊曰鄧家岑曰梁子上曰鄧善沽曰黃家圈曰盧家嘴曰楊家樓曰蕭家莊曰大

卷一

五

沽曰班家樓曰孫家樓曰劉家莊曰梁家莊曰泥沽曰楊家樓曰赤龍河曰邊家村曰陳林莊曰蘆北口西路自碾陀嘴至炒米店五十二村莊曰碾陀嘴曰楊柳青曰王家莊曰梁家莊曰太平莊曰王頂隄曰劉家莊曰侯家台曰卞家莊曰三官廟曰永豐屯曰小園曰大園曰李家墳曰小稍直口曰魏合李莊曰姜家井曰大稍直口曰汪家莊曰邢家莊曰北斜曰雷家莊曰大蔣家莊曰小蔣家莊曰三教堂曰疙疸曰高家村曰化家莊曰羊五莊曰馬家莊曰姚家莊曰趙家莊曰齊家疙疸曰郭家村曰馬家寺曰呂彭城曰潘家樓曰謝家

莊曰大小古佛莊曰周李吳莊曰曹家莊曰邵公莊曰趙家莊曰楊家莊曰梁家嘴曰趙家場曰小子家莊曰韓家樹曰三河頭曰青光曰雙口曰炒米店

北路自鈔關至上蒲口七十七村莊曰鈔關曰河北曰大石橋曰金家窰曰望海寺曰吳家嘴曰西沽曰信家台曰丁字沽曰桃花寺曰王家莊曰屈家店曰王秦莊曰肖家莊曰平家莊曰楊家河曰安光村曰丁家莊曰馬家莊曰趙家莊曰蓮子新莊曰穆家莊曰天齊廟曰劉招莊曰張憲莊曰白廟曰南倉曰馬家莊曰何家莊曰劉家園曰趙家莊曰韓勝家莊曰趙家莊曰霍家嘴

卷一

六

曰南麻疙疸曰新建倉廩曰姚家莊曰小楊家莊曰北麻疙疸曰閻家街曰閻家莊曰大楊家莊曰小周家莊曰大周家莊曰中北倉曰趙家莊曰柳灘曰朱唐莊曰孫家莊曰小楊家莊曰劉安莊曰胡家園曰新房曰李家嘴曰腰窩曰小洵曰賀家莊曰蘆新河曰丁家莊曰雙街曰常家莊曰侯新家莊曰辛莊曰沙家莊曰柴家樓曰張家灣曰馬家莊曰閻家莊曰孫家莊曰郎家園曰孟家莊曰高家莊曰朱家莊曰淖口曰龐家嘴曰下蒲口曰上蒲口

乾隆元年撥歸楊柳青西沽葛沽三巡檢村鎮如左

撥歸楊青驛兼巡檢分轄四十三村莊曰永豐屯曰望海寺曰教場曰金家窰曰小稍直口曰河北曰姜家井曰大石橋曰大稍直口曰鈔關曰汪家莊曰小子家莊曰邢家莊曰趙家場曰北斜曰梁家嘴曰曹家莊曰邵公莊曰小蔣家莊曰楊家莊曰大蔣家莊曰趙家莊曰齊家疙疸曰卞家莊曰李家樓曰雷家莊曰謝家莊曰梁家莊曰馬家莊曰王家莊曰楊柳青河南曰楊柳青曰碾陀嘴曰楊家河曰疙疸曰韓家樹曰三河頭曰青光曰雙口曰安光曰大丁家莊曰小丁家莊曰平家莊撥歸西沽巡檢應轄九十七村莊曰西沽曰信家台曰

卷一

七

丁字沽曰唐家灣曰吳家嘴曰王家莊曰菜園曰桃花寺曰董家新房曰王秦莊曰桃花口曰屈家莊曰馬廠曰達子新莊曰下蒲口曰上蒲口曰龐家嘴曰賈家口曰窰窪曰隄頭曰王家莊曰于家莊曰西廠曰白廟曰霍家嘴曰柳灘曰天齊廟曰穆家莊曰南倉曰馬家莊曰閻家莊曰中倉曰北倉曰閻家街曰腰窩曰丁趙莊曰小周家莊曰李家嘴曰常家莊曰童家菓園曰柴家樓曰楊家隄曰張家灣子曰狼家園曰胡家園曰泔口曰小街曰貫兒莊曰張貴莊曰陳林莊曰小王家莊曰趙家莊曰黃草陀曰范家莊曰朱家莊曰于家莊曰李

明莊曰大畢家莊曰何家莊曰孫家莊曰歡陀曰劉快莊曰西隄頭曰蘆新河曰姚家莊曰侯家新莊曰韓勝家莊曰朱家莊曰孫家莊曰大陽家莊曰孟家莊曰閻家莊曰趙家莊曰沙家莊曰雙街曰劉快莊曰馬家莊曰南麻疙疸曰北麻疙疸曰張憲莊曰朱唐莊曰趙家莊曰劉安莊曰賀家莊曰宜興埠曰小洵曰小子家莊曰趙家園曰徐家莊曰趙家莊曰鄧家台曰沈家莊曰小王家莊曰大王家莊曰郭家莊曰苑家莊曰小楊家莊

撥歸葛沽巡檢應轄五十五村莊曰雙港曰白塘口曰

卷一

六

前辛莊曰後辛莊曰郭家莊曰張家嘴曰于家莊曰北羊馬頭曰南羊馬頭曰鹹水沽曰泥沽曰泥沽東莊曰盤沽曰曾家莊曰葛沽曰羊回莊曰蕭家莊曰蘆家嘴曰郝家沽曰黃家園曰辛莊曰鄧善沽曰良子上曰大沽曰東沽曰草頭沽曰驢渠河曰高領曰白沙頭曰道口曰南稍曰營房曰楊家樓曰高家莊曰鄧家岑曰楊家岑曰泥窩曰城兒上曰卧河曰窰兒上曰小趙八莊曰大趙八莊曰范家莊曰田家嘴曰秦狗莊曰上劉家莊曰郭家莊曰四里沽曰下劉家莊曰李家莊曰山潘家莊曰小孫家莊曰柴家莊曰王家樓曰南鄭家莊

署廡

天津縣衙署雍正十二年奉文在城內舊倉廡基址建築光緒庚子亂被焚燬亂定在南門外迤東改建天津府衙署在縣城之大宜門西雍正十二年建天津道衙署在縣治之東門內大街乾隆二年建初爲總督河道都察院衙署繼而改爲道署直隸總督行署在縣城之三岔河北岸其初爲長蘆鹽課察院衙署康熙元年就餉道衙門改之咸豐元年鹽院缺裁爲三口通商大臣衙署同治九年李鴻章督直兼任北洋大臣卽以三口通商大臣公署爲直隸總督行署庚子亂後袁世凱督

卷一

九

直將行署移在河北今之李公祠旁海防公所此則戊戌備作行宮者也天津鎮總兵官衙署在縣城之鼓樓西大街相傳爲天津衛舊署然規模拓大矣長蘆鹽運司衙署在縣城之鼓樓東大街康熙二十七年建造運司向駐滄州至是移天津及庚子衙署被焚因天津縣衙署被焚後改建南門迤西遂就舊縣署基址建運司新署津海關道衙署在東門外迤南濱河其初爲青州分司衙署俗呼爲北司衙門設海關道時改爲關道衙署自直隸總督行署移今之李公祠旁遂以直督行署爲關道衙署光緒季年新設提學司巡警道勸業道提

學使衙署設在今之公園巡警道衙署卽就舊關道公署改建勸業道衙署設在今之京奉路新車站迤北向來衙署其規制皆從同也新設各署改從新式在光緒季年多驚爲未曾有焉他如天津縣典史衙署在縣署西天津府經歷衙署在府署東天津清軍同知衙署在西門內大街游擊衙署在西門內神機庫泚地後其初爲屯田察院舊署都司衙署在府署迤西守備衙署在神機庫泚地迤西以上官缺旣裁衙署已廢存其舊焉而已其他公廡曰柳墅行宮在縣城南門外海河東曰海河樓在三岔河北岸曰皇船塢在閘口曰萬壽亭在

卷一

三

北門內只家胡同迤東俗呼曰龍亭行宮河樓船塢清代備巡幸也萬壽亭清代慶賀地也今行宮船塢久廢不存海河樓今爲天主教堂萬壽亭僅存牆壁後來建築有曰大沽船塢在大沽口海神廟李鴻章建爲駐修兵輪處所曰海防營務處在縣城之東門內大街曰蒲口火藥庫在北城外三十六里曰水師營務處在紫竹林法租界曰海防公所在河北窰窪卽今之直督行署也世易時遷每經是地有怦然焉者爰擇其要者載焉

道路

天津縣城爲北洋通商總匯之區北城東城門內外各